

74
6288
8

74





大明集禮卷二十二上

嘉禮六

冊公主序

古者天子之女謂之王姬。周之中世下嫁諸侯。天子至尊。不自主婚。故使諸侯同姓者主之。而謂之公主。漢制因之。始有封邑。帝之姊妹謂之長公主。至唐公主皆長公主。皆有封國。而或以美名為號。天子之姑。又謂之大長公主。其冊拜之禮。則皇帝御正殿。陳樂懸。命使行禮。及德宗時。

五味均平殿



74
6288
8

始不御正殿。不設樂懸。但傳旨命使以行冊禮。於其宮中而已。其後遂為故事。至宋初公主受封降制。有冊命之文。多不行禮。止以綸告進內而已。至仁宗嘉祐二年。降制以福康公主進封。兗國公主。始備冊禮。其制因唐。但受冊畢。有內命婦拜賀公主之禮。有群臣進名賀皇帝之文。公主受冊禮畢。則又有謝皇帝皇后禮。一如內中之儀。元無冊公主之文。今擬

國朝冊

公主。

皇帝臨軒遣使持冊印至宮。內官傳入宮中。

公主受冊畢。朝謝

皇帝

皇后。如

宮中之儀。內命婦諸親於公主前行賀禮。今

集歷代冊拜禮物儀文之詳以著于篇。

冠服

制。公主冠服。大手髻簪珥。服純縹。上下。其長

大月集禮

卷二十二

二

公主首服加步搖。其服以文繡。齊公主大手髻。繡衣裳。黃綬。長公主則紫綬。唐皇帝臨軒命使。則服通天冠絳紗袍。公主。長公主。皆首飾花九樹。服翟衣。宋公主。長公主。皆首飾花九樹。服翟衣。元公主用其本俗冠服。

國朝

公主服九翬四鳳冠。翟衣。其制並見冠服篇。

車輅

漢制公主乘油畫軒車。長公主玉赤芻軒車。晉公

主油軒車。駕二馬。宋公主安車。以紫絳芻軒車為副。齊公主油絡畫安車。宋長公主。公主。皆得乘青油榻幢通幃車。榻幢涅幃為副。北齊諸公主油朱絡網車。隋公主擯車。紫幃朱網絡。唐公主用厭翟車。宋制因之。

國朝

公主依唐制用厭翟車。

冊

漢封公主。不著作冊之制。北齊命公主。冊軸一

枚長二尺。以白練衣之。用竹簡十二枚。六枚與軸等。六枚長尺二寸。文用篆字。**唐**公主冊亦用竹簡。**宋**公主冊用竹簡。長一尺一寸。闊一寸。約文多少。用二十四枚。以天下樂錦裝標。

國朝冊

公主用銀冊二片。鐫字鍍金。每片依周尺長一尺二寸。闊五寸。厚二分五釐。字則依數分行。每片側邊上下有竅。用紅條聯貫。開闔如今書帙之狀。背用紅錦嵌護。藉以紅錦小褥。冊蓋以木為之。飾以渾金。灑粉蟠螭。用紅紵絲襯裏。內以紅羅銷金小袱。裹冊外。以紅羅銷金夾袱。覆之。五色小條繫于匣外。臨冊之日。置於紅漆輿案。案頂有紅羅灑水。用檐牀二舉之。

冊文

唐德宗冊嘉誠公主。其文曰維貞元元年。歲次乙丑。六月甲子朔。十二日乙亥。皇帝若曰。王者以義睦宗親。以禮敦風俗。義之深。寔先於友愛。禮之重。莫大於婚姻。故春秋書築館之儀。易象

著歸妹之吉。于是用祇考令典。率由舊章。咨爾
嘉誠公主。孝友柔謙。外和內敏。公宮稟訓。四德
備修。䟽邑啓封。命為公主。徽章所被。禮實宜之。
今遣光祿大夫檢校司徒平章事沂國公勉持
節冊命。爾惟欽哉。下嫁諸侯。諒惟古制。肅雖之
德。見美詩人。勤可以克家。敬可以行己。奉若茲
道。永孚于休。懋敦王風。勿墜先訓。光膺盛典。可
不慎歟。宋仁宗冊兗國公主。其文曰。皇帝若曰。
二姓合好。肇正人倫。諸女畢封。著于典冊。風化

自出。物采有庸。惟皇度衷。稽念故實。揆吉釐降。
錫命是彝。咨爾長女福康公主。慧悟哲溫。柔嘉
敏達。夙憑詒翼之慶。祗蹈婉和之箴。微智天成。
韶華日茂。鄉胙國邑。期之壽康。而夷亮自持。莊
靜逾恪。肅侍左右。勤孝盡恭。承顏愿色。純至非
勉。實繫能養。乃底燕寧。朕緬慕先慈。參詢福耦。
謀及外宮。得茲善述。枚卜休辰。申寵褒數。益地
廣魯。龜蒙之疆。公主主儀。率迪舊準。今遣使戶
部侍郎參知政事王堯臣。副使樞密副使禮部

侍郎田况持節冊命爾為克國公主。爾其欽帥
內範。繹敷令猷。動監圖史之規。時稟紳櫛之戒。
懋爾德慎爾心。尚服祖宗之攸訓。永流惠聲。不
其猗歟。

印

漢封公主。不著印綬之制。晉公主金印紫綬。唐
公主金印龜鈕紫綬。宋公主金印紫綬。明公主金
印紫綬。公主無印綬之制。宋公主金印方一寸。其文曰
某國公主之印。龜鈕紫綬。元皇姑大長公主。皇

姊長公主。金印龜鈕。方三寸一分。今擬



公主用金印龜鈕。依周尺方五寸二分。厚一寸
五分。其文曰某國公主之印。綬用朱。印池用金。
闊取容印。印匣二副。每副三重。外匣用木飾以
渾金。瀝粉蟠鳳。紅紵絲。襯裏。中匣用金。鈿造蟠
鳳。內小匣仍用木。飾以渾金。瀝粉蟠鳳。紅紵絲。
襯裏。小匣內置以寶座。四角雕蟠鳳。飾以渾金。
座上用小錦褥。上一置印。一置印池。印用銷金。

紅羅小夾袂。裹之。其匣外各用銷金紅羅大袂覆之。臨冊日。置於紅漆輿案。頂有紅羅瀝水。用檐牀二舉之。

節

唐冊公主。皆遣使持節。其制與冊皇后節同。

國朝冊拜

公主。遣使持節。其制朱漆。扛金龍首。上施圓盤。旄牛毛纓八層。金銅鈴。韜以黃羅繡龍袋。

樂

唐冊公主。皇帝臨軒。展宮懸。皇帝出入。奏太和之曲。冊使出入。奏舒和之曲。後至德宗貞元二年。始不臨軒。不設樂懸。遂為故事。**宋**冊公主。無用樂之儀。

國朝

皇帝臨軒。遣使冊

公主。用大樂。與朝會同。見俗樂篇。

儀仗

唐冊公主。皇帝臨軒。諸衛屯門列仗。鈇戟近仗

陳於殿庭。**宋**傳旨命使冊公主。無設儀仗之文。



皇帝臨軒遣使冊

公主。其儀仗與朝賀同。

執事

唐皇帝臨軒。司徒為使。尚舍奉御掌設御幄。守
宮掌設群官次。奉禮掌設板位。大樂令掌設宮
懸。典儀掌設舉麾位。及文武群官位。及引禮贊
禮。諸衛掌陳屯門列仗。通事舍人掌引禮。侍中

掌奏中嚴外辦。奏發冊命使。承制宣制。及奏禮
畢。協律郎掌舉麾符寶。郎掌奉御寶。主節者掌
主旛節。黃門侍郎掌以節授冊使。令史二人掌
舉冊案。中書侍郎掌引冊案。中書令掌取冊以
授冊使。贊引掌引禮。其公主受冊。守宮掌設使
者次。及冊案次。司贊掌設公主位。及命婦至行
禮。則引公主。通事舍人掌引冊使。副內侍掌引
使者。尚儀掌讀冊稱制。以冊授公主。掌贊掌贊
拜。女使掌舉冊案。司言掌贊公主拜。及受公主

所受冊。內謁者監掌傳報使者稱制言于公主。及於冊使前言冊。公主禮畢。命使發冊。參政為使。樞密副使為副。儀鸞司掌設百官次。及冊使副次。典儀掌替禮。及設受制宣制官位。諸官版位。贊者掌承傳禮。直官。通事舍人。太常博士。掌引禮。及稱制宣制。門下侍郎掌引主節者。以節授冊使。掌節者掌受冊。使所受節。奉冊印官。掌帥執事者奉舉冊印案。中書侍郎掌押冊。禮部郎中掌押印。右弼掌取冊以授冊使。禮部侍郎掌取印以授副使。其公主受冊。典儀掌設使副位。及冊印案位。內給事位。禮直官掌引使副。及內給事就位。通事舍人。太常博士。掌引冊使副。就內給事前稱制。內臣掌引命婦就位。管勾內臣掌持冊印入內。內給事掌設公主受冊位。內命婦版位。及請公主服冠服。傳使者受制言于公主。及受使副冊印以授公主。及贊拜。又接受公主所受冊印。內謁者掌受內給事所受冊印。

國朝冊拜

公主其執事詳見于儀注

陳設

唐冊公主臨軒命使設御幄於太極殿設群官次於東西朝堂展宮懸設舉麾位設文武官版位及典儀贊者位設屯門列仗設冊使位陳釵戟近仗於殿庭至受冊所則設使者及冊案使次於光範門及長樂門外皆道右東向設公主位於長樂門外內殿前設內命婦位設應陪位

者及尚儀司替掌贊典儀位設冊使及舉冊案者位宋制遣使冊公主設文武百僚次於朝堂之內外又於內東門外東廊設冊使副等次西向北上設冊使副受制位及樞密官宣制位門下侍郎奉節位右弼禮部侍郎奉冊印位設應行事官位設權置冊印褥位二於橫街南黃道東稍退西向冊在北印在南又於冊印褥位後各設使副褥位一又於冊使副受制位稍北設褥位一以伺冊使受冊副使受印又設冊使奉

冊位及副使并內給事位。設冊印案位於冊使之前。設公主受冊位及內命婦位。

國朝陳設詳見于儀注圖本。

班位

唐冊公主臨軒。五品以上於橫街北。六品以下於橫街南。諸親於五品之南。典儀位在懸北。贊者二人在南少退。俱西向。冊使位在懸北。俱北面。副使位在使東少退。至受冊所。則公主位在長樂門外內殿前。近南當街。北面西上。內命婦

應陪位者位於公主東北及西北。嬪御等在東官官等在西階。重行相對北上。尚儀位在命婦之前。皆東向西上。尚儀位少退。司贊位在尚儀位南少退。掌贊二人位其後。**宋**命使發冊。使副受制位在文德殿庭橫街之南。北向東上。知樞密院官宣制位於使副東北。西向。門下侍郎奉節位。及右弼禮部侍郎奉冊印位。在冊使東北西向。三公以下文武百僚殿庭班位。皆東西相向。如冊皇后命使儀。至受冊所。則設冊使奉冊

位於內東門外副使內給事在其南並東向北
上冊印案位在冊使之前內給事位在冊使東
北俱南向公主受冊位在本位庭階下北向內
命婦位在本位門外。

國朝

班位詳見于儀注圖本。

冊拜

公主儀注。

發冊

前一日內使監設

御座於

奉天殿如常儀設

皇太子侍立位於

御座之東尚寶卿設

寶案於

御座前侍儀司設冊印案於

寶案之前

冊案在東
印案在西

設奉節官位于冊案之東

掌節者位于其左差退俱西向設承

制官位於奉節官位之南西向設奉冊奉印官

位于冊印案之西東向。設使副受制位于橫街之南。北向東上。設承

制官宣

制位于冊使受制位之北。西向。設奉節官奉冊。奉印官位于使副東北。西向。又設使副受冊印。褥位于受

制位之北。北向。設文武官侍立。位於

文武樓之北。東西相向。設典儀二人。位於

丹陛上之南。東西相向。贊禮二人。位於

丹陛下之南。東西相向。知班二人。位於贊禮之南。東西相向。引禮二人。位於冊使受制位之北。東西相向。引文武班舍人。位於文武官之北。東西相向。和聲郎。設樂位于

丹墀之南。北向。禮部設龍亭於

奉天門外之正中南向。所司備儀仗大樂以俟。迎冊印以行。

其日諸衛列軍仗於

午門外。將軍二人於

殿上簾前東西相向將軍六人于

奉天門之左右東西相向將軍六人于

奉天殿門之左右東西相向將軍四人於

丹陛上之四隅東西相向拱衛司陳設儀仗於

丹陛丹墀之東西鳴鞭四人于

丹陛上北向拱衛司光祿寺官對立于

奉天門之左右東西相向質明催班舍人催百

官各具公服執事官入就位引禮引使副入就

丹墀受制位導駕官侍從官入迎

車駕侍儀奏外辦御用監奏請

皇帝服通天冠絳紗袍御輿以出侍衛警蹕如

常儀至

奉天殿樂作陛

御座樂止引進啓

皇太子具遠遊冠絳紗袍導引至侍立位尚寶

鄉奉

御寶置于案捲簾鳴鞭報時訖禮部官以

公主冊印各置于案奉節官承制官奉冊官奉

印官及掌節者各就

殿上位立定舉冊印案四人立於奉冊奉印官後贊禮唱鞠躬拜興拜興拜興拜興平身使副鞠躬樂作拜興拜興拜興平身樂止承制官進當

御座前北面跪奏請發

公主冊印承制訖由中門出至宣制位稱有制贊禮唱跪使副跪承制官宣

制曰冊皇女某為某國公主命卿等持節展禮

宣

制訖由

殿西門入就位贊禮唱俯伏興使副俯伏興奉冊奉印官率執事官舉冊印案由

中門出中陛降奉節官引掌節者前導至使副受冊印褥位以案置于褥位之北冊東印西奉節官率掌節者至使副受制位前掌節者脫節衣以節授奉節官奉節官搯笏受節以節授冊使搯笏跪受以授掌節者掌節者跪受興立于

冊使之左。奉節官出笏退。引禮引冊使詣受冊。褥位立定。奉冊官搢笏。就案取冊以授冊使。冊使搢笏跪受訖。興。置于案。冊使及奉冊官皆出。笏退復位。引禮引副使詣受印。褥位立定。奉印官搢笏。就案取印授副使。副使搢笏跪受訖。興。置于案。副使及奉印官皆出。笏退復位。贊禮唱。鞠躬。拜興。拜興。拜興。平身。使副鞠躬。樂作。拜興。拜興。拜興。平身。樂止。引禮引冊使押冊。副使押印。掌節者前導。以次出。冊使初行。樂

作出門。樂止掌節者加節衣。奉冊奉印官皆搢笏。就案取冊印。置于龍亭中。訖。奉冊奉印官退。執事者舉案退。儀仗大樂迎龍亭以行。掌節者行於龍亭之前。使副行於龍亭之後。迎送至內宮門外。初冊印將出門。侍儀奏禮畢。

皇帝興。樂作

皇太子侍從還

宮。樂止引班引百官以次出。

受冊

前一日。內使設冊禮使副位於

內宮門外。北向。掌節者位於冊使之後。設內使監令位於冊使之北。西向。設引禮二人位於冊使之北。東西相向。設權置冊印案于冊使之北。

冊東
印西內使監設

公主受冊位於

本位庭中。北向。設香案於受冊位之北。設冊印案於香案之南。冊東
印西設內命婦諸親立位於庭階之南。東西相向。又設

公主受賀位於宮中。設內命婦諸親賀位於

公主位前。南向。設內贊二人位於

公主受冊位之北。東西相向。設引禮內使二人位於內贊之南。東西相向。

是日冊印將至

內宮門。內使請

公主服花釵翟衣。出閣。至

本位宮中。南向立。又冊印至。使副於龍亭中取冊印。權置于

門外所設案上。引禮引使副及內使監令俱就位立定。次引冊使於內使監令前稱冊禮使臣某。副使臣某奉。

制授

公主冊印。退復位。內使監令入詣

公主本位。宮中躬言訖。出復位。引禮引內命婦諸親俱入就位。引禮引冊使詣冊案。搯笏取冊授內使監令。內使監令跪受訖。以授內執事。冊使出笏。退復位。引禮又引副使就印案。搯笏取

印。以授內使監令。內使監令跪受訖。以授內執事。副使出笏。退復位。以俟

內宮行禮。內使監令率執事者奉冊印以次入詣

公主受冊位前。以冊印各置于案。冊東引禮引公主降詣

庭中受冊位立定。侍從如常儀。內使監令率內執事取冊印。以次立於

公主之東西向。內使監令稱有

制。內贊唱拜興。拜興。拜興。拜興。

公主拜興。拜興。拜興。拜興。宣。

制訖。內執事取冊跪授。內使監令。內使監令跪讀訖。以授

公主。

公主跪受訖。以授內執事。內執事取印跪授。內使監令。內使監令跪讀訖。以授

公主。

公主跪受。以授內執事。內贊唱拜興。拜興。拜興。

拜興。

公主拜興。拜興。拜興。內使監令出詣使副。前躬稱。

公主受冊禮畢。使副詣

奉天殿前橫街南北面立。給事中立于使副東北。冊使再拜。復命曰。奉

制。冊命某公主禮畢。又再拜。平身。給事中奏聞。乃退。引禮引。

公主陞階。就位南向坐。引禮引內命婦諸親以

次就賀位立定。內贊唱拜興。拜興。拜興。拜興。內命婦諸親皆拜興。拜興。拜興。拜興。內贊唱禮畢。引禮引內命婦等退。內使監令引。

公主謝

皇帝

皇后並如宮中之儀

冊公主

丹墀版位

集禮卷二十二 下

樂

用使監令

用使監令

立位

立位

立位

文官

引禮
知班
贊禮

禮部

引禮
知班
贊禮

寺官武

護衛百戶十二人

宿衛鎮撫

奉印官
奉明官
奉節官

兵部

兵部

護衛百戶

丹陛版位

典儀

天武將軍

鳴鞭

鳴鞭

鳴鞭

鳴鞭

天武將軍

集禮卷三十一 二十一

殿上版位圖

奉節官

奉節官

承制官

將軍

將軍

集禮卷五十五

護衛

護衛

護衛

護衛

天武將軍

將軍

光祿官三員

護衛司官

將軍

將軍

將軍

護衛司官

光祿司攝持三員

將軍

將軍

護衛


護衛

護衛

護衛

天武將軍

至宮受冊版位




奉冊官

班從侍官文

皇太子

奉冊



班從侍官武

奉冊官

大明集禮卷二十二上

大明集禮卷二十二下

嘉禮

內命婦序

王者之有內命婦。所以輔皇后。典六宮而成內教者也。故周制有三夫人。九嬪。二十七世婦。八十一御妻。漢初有夫人。美人。良人。八子。七子。長使。少使之名。武帝制婕妤。姪娥。倮。傅。充。依。各有爵位。元帝時有昭儀。賜以印綬。而光武中興。六宮稱號。則惟貴人。賜以金印紫綬。至唐有貴妃。

皇

香

皇

內命婦序

內黃

內黃

內黃

大朝集禮 卷二十二 三十四
泚妃。德妃。賢妃。為夫人。正一品。昭儀。昭容。昭媛。修儀。修容。修媛。充儀。充容。充媛。為九嬪。正二品。婕妤九人。正三品。皆遣使冊命。宋惟正一品貴妃。泚妃。德妃。賢妃。則遣使冊命。而妃受冊畢。有受內命婦賀禮。及謝皇帝皇后。如宮中之儀。元置諸妃不定品秩。亦無冊拜之典。

國朝

冠服

周官追師為外內命婦之首服。鄭氏謂首服為

編次也。內司服辨外內命婦之服。鞠衣。展衣。祿衣。素沙。鄭氏謂衣鞠衣。展衣者用編衣。祿衣者用次。唐皇帝臨軒服通天冠。絳紗袍。其內命婦受冊。服首飾翟衣。施兩博鬢。一品花釵九樹。寶鈿。准花數。翟九等。二品花釵八樹。翟八等。三品花釵七樹。翟七等。宋制因之。

國朝

皇妃受冊。服九翬四鳳冠。翟衣。歷代之制。詳見于冠服篇。

車輅

唐制內命婦受冊。一品乘厭翟車。二品乘翟車。三品乘安車。各駕二馬。宋內命婦乘銀裝白藤輿。或乘金銅犢車。漆犢車。

國朝

皇妃受冊。用厭翟車。歷代之制。詳見車輅篇。

冊

唐內命婦冊。不著其制。遣使之日。以油絡網犢車載之而行。宋仁宗立張貴妃。其冊用竹簡。每

簡長一尺一寸。闊一寸。約文多少。用二十四格。以天下樂錦裝標。黑漆冊匣。金鍍銀飾。茜綾托裏。茜絲條。黑漆冊牀。金鍍銀飾。蓋冊襯冊。皆以夾帕。

國朝

皇妃用銀冊二片。鐫字鍍金。每片依周尺長一尺二寸。闊五寸。厚二分五釐。字則依數分行。每片側邊。上下有竅。用紅條聯貫。開闔如書帙之狀。背用紅錦軟護。藉以紅錦小褥。冊蓋以木

為之飾以渾金。澀粉。蟠鳳。用紅紵絲。襯裏。內以紅羅。銷金小袂。裹冊外。以紅羅。銷金夾袂。覆之。五色小條。繫于匣外。臨冊之日。置於紅漆輿案。案頂有紅羅。澀水。用檐牀二舉之。

冊文

仁宗用張貴妃其冊文曰。皇帝若曰。夫上憲星極。協敷陰教。惟四妃之列。亞長秋之位。正始王化。御于家邦。咨于洪指。是謂疇內治。備于典冊。是謂隆徽數。諗而行之。古今通誼。美人張氏。

淵敏居質。醇和賦性。生紋。冕之令族。稟圖史之懿戒。柔明維則。克茂嬪風。婉嫺含章。詎煩姆訓。肆予涼薄。纂大丕構。樂得邦媛。參叙宮職。始明慎于選納。見勤勞于輔佐。擲辭貴秩。愈勵冲誠。宜有褒嘉。聿申崇拜。揆茲穀旦。膺此渙恩。質于師僉。孚我德舉。綸翟盛其服。禮莫大焉。彤管貽其範。體莫重焉。澣衣示儉。婦道于以從訓。樛木逮下。風人于以流詠。寵命既輯。爾實宜之。今遣使左諫議大夫參知政事龐籍。副使右諫議大

夫高若訥持節用命爾為貴妃於戲體順承以勤道躬法度以修己祇率九御贊于壺則惟勞謙以處其貴惟肅雍以成其美永啓休譽不其盛歟。



印

漢制貴人用金章紫綬 三夫人金章紫綬 九嬪銀印青綬 三妃九嬪婕妤並金章龜鈕 紫綬 宋貴妃金印方一寸其文曰貴妃之印 龜鈕

紫綬黑漆印匣兩重並金鍍銀飾 茜綾托裏 茜絲鎖條黑漆印牀 金鍍銀飾 裹印及蓋匣各以夾帕。



皇妃用金印龜鈕 依周尺方五寸二分厚一寸五分其文曰。

皇妃之印綬用朱印池用金闕取容印印匣二副每副三重外匣用木飾以渾金瀝粉蟠鳳紅紵絲襯裏中匣用金鈹造蟠鳳內小匣仍用木

飾以渾金。瀝粉。蟠鳳。紅紵。絲襯裏。小匣內置以寶座。四角雕蟠鳳。飾以渾金。座上用小錦褥。上一置印。一置印池。印用銷金紅羅。小夾袱裹之。其匣外各用銷金紅羅大袱覆之。臨冊日置於紅漆輿案。頂有紅羅瀝水。用擔牀二舉之。

節

宋冊內命婦遣使持節。其制與冊皇后節同。

國朝冊拜

皇妃遣使持節。其制朱漆扛金龍首。上施圓盤。

旄牛毛纓八層。金銅鈴。韜以黃羅繡龍袋。

執事

唐冊內命婦守宮掌設使者及冊案次。司設設受冊位。典儀掌設冊使位。及舉冊案者之位。內謁者監掌置冊案。掌次掌引冊使入就次。謁者掌引冊使出次就位。司言掌引內命婦就受冊位。及稱制宣冊。以冊受內命婦。內給事掌受使者所授冊。宋冊內命婦其執事與冊公主執事同。

國朝冊

皇妃其執事見于儀注

陳設

唐冊內命婦設使者及冊案使次於肅章門外及永安門外皆道右東向設受冊者位於寢庭設冊使位及舉冊案位於肅章門外近限。**宋**發冊陳設皆與冊公主同。

國朝陳設詳見于儀注圖本。

班位

唐制冊內命婦則受冊位在寢庭近南當階北向。冊使位在肅章門外之西東向北上舉冊案者位在南差退俱東向。**宋**冊內命婦班位與冊公主班位同。

國朝班位詳見于儀注圖本。

冊內命婦儀注

前期一日禮部官奉冊印進入置于謹身殿中。

御座寶案之前冊東寶西侍儀司設冊禮使受

制位于

奉天殿橫街之南稍東。使副位于其西。俱北向。設承制官。奉節官。奉冊官。奉印官。位于使副之東北。西向。以北為上。設使副受冊。受印。褥位于受制位之北。南向。以俟冊使。受冊。使副受印。設典儀二人。位于

丹陛上之左右。東西相向。設傳贊二人。位于丹陛下之左右。東西相向。設文武官對立。位于丹墀兩旁。文東武西。設引班四人。位于文武官之北。東西相向。設贊禮一人。位于冊使位之北。東西相向。所司置龍亭於

奉天門外正中。備儀衛鼓吹。以俟迎冊印行。內使監令。又設使副位于

內宮門之外。北向東上。設內使監令。位於冊使之東北。西向。設贊者二人。位于冊使之北。東西相向。設冊印案於贊者之北。冊東印西。內使設妃受冊位於本位庭中。北向。設冊印案于妃受冊印位之北。冊東印西。設內命婦諸親賀位於

大明集禮 卷三十一 三十一
庭階之南北向。又設妃受賀位於其宮之中南向。設內贊二人位於妃受冊位之北。東西相向。設引禮二人位於內贊之南。東西相向。其日贊明。文武百官皆朝服。引班分引序立于奉天殿丹墀之兩旁。東西相向。贊引引使副公服入就橫街南位。北面立。承制官奉節奉冊奉印官及掌節者皆入詣

謹身殿外北向立。以俟內臣傳旨訖。掌節者持節奉冊官奉印官率執事者舉冊印案以行。奉節官率掌節者前導。次冊案。奉冊官後從。次印案。奉印官後從。承制官押其後。至橫街南。以案置于使副受冊褥位之北。冊東印西。承制官奉節官奉冊奉印官各就位。西向立。掌節者持節立於奉節官之左。差退。典儀唱拜。傳贊唱鞠躬。拜興。拜興。平身。使副皆鞠躬。拜興。拜興。平身。承制官詣使副前稱有制。典儀唱跪。使副跪。承制官宣制曰。某妃某特封某妃。或已有封則曰進封。命公等持節展禮。宣制訖。復位。典儀唱就拜。

與。平身。使副就拜興。平身。奉節官率掌節者持節詣冊使前。掌節者脫節衣。以節授奉節官。奉節官以節西向授冊使。冊使跪受。以授掌節者。掌節者受節。立於冊使之左。奉節官退復位。贊禮引冊使詣受冊褥位立定。奉冊官於冊案上取冊受冊使。冊使跪受冊。與置於案。奉冊官及冊使各退復位。贊禮引使副詣褥位北向立定。奉印官於印案上取印。西向授使副。使副跪受印訖。與置於案。奉印官及使副俱退復于位訖。

典儀唱拜。傳贊唱鞠躬。拜興。拜興。平身。使副皆鞠躬。拜興。拜興。平身。典儀唱禮畢。執事者舉冊印案出。

奉天門外。奉冊奉印官取冊印置龍亭中。奉冊奉印官退。贊禮引冊使押冊使副押印。持節者前導。儀衛鼓吹以次出。引班引文武百官退。冊印將至。

內宮門外。內使請

妃服花釵翟衣。引出閣。至本位宮中。南向立。及

冊印至。使副於龍亭中取冊印。權置于門外。所
設案上。訖。引禮內使引使副及內使監令俱就
位立定。次引冊使於內使監令前。稱冊使姓某。
副使姓某。奉制授某妃冊印。退復位。內使監令
入詣妃本位庭。躬言訖。出復位。引禮引命婦諸
親俱入就位。引禮引冊使詣內使監令前。冊使
取冊以授內使監令。內使監令跪受冊訖。以授
內執事。引禮又引副使取印。以授內使監令。內
使監令率執事。內使監令率內執事取冊印。以次立
于
者奉冊印。以次入詣妃受冊位前。各置于案。冊
東印西。引禮引妃降詣庭中受冊位立定。侍從
如常儀。內使監令率內執事取冊印。以次立于
妃之東。西向。內使監令稱有制。內贊唱拜興。拜
興。妃拜興。拜興。內使監令宣制訖。執事者取冊
授內使監令。內使監令跪讀冊訖。以冊授妃。妃
跪受冊。以授內執事。執事者取印跪授妃。妃跪
受印。以授內執事。內贊唱拜興。拜興。妃拜興。拜
興。訖。內使監令出詣使副前。躬稱妃受冊印禮

畢。使副還復命。引禮引妃陞階就位。南向坐。引禮引內命婦諸親以次賀如常儀。贊禮唱禮畢。引禮引內命婦退。內使監令引妃謝。

皇帝

皇后。並如宮中之儀。

傳旨遣使冊

皇妃版位

文官侍立位

引班
引班

知班
引班

引班
引班
引班
引班

引禮

引禮

引禮

引禮

引禮


引班
引班

引班
引班

位立侍官武


集禮卷三十一 三十一

皇妃受冊版位



集禮卷十二 三十一

奉天殿



皇太子冠圖

皇太子冠圖



皇太子冠圖

集禮卷二十二

大明集禮卷二十二

內贊

內贊

皇太子冠圖

皇太子冠圖

皇太子冠圖

皇太子冠圖

皇太子冠圖

陳服

水少水

與

御

皇

禮

大明集禮卷二十三下

大明集禮卷二十三上

嘉禮七

天子加元服

總叙

按禮冠者成人之道也。故帝王重之。自天子至庶人。皆有冠禮。文王十一而冠。成王十五而冠。此天子之冠禮也。冠禮學。冠禮無聞。其見於儀禮者。止於士冠而已。後世因士禮推而上之。以達於天子。改皇帝冠為加元服。皆於祖

廟而成禮焉。永元三年。和帝加元服。至廟成禮。

還宮。以朝服宴享。永建四年。順帝加元服。皆於

高廟。以禮謁見世祖廟。（禮）以後始冠於正殿。（東）

（晉）諸帝加元服。則百僚陪位。加袞冕畢。太保率

羣臣奉觴上壽。先以幣告宗廟。事訖。又廟見。（地）

（齊）皇帝將加元服。先奏告天地宗廟。擇日臨軒

加袞冕畢。太保上壽。羣官三稱萬歲。後日。文武

羣臣朝服上禮。又擇日親拜圓丘方澤謁廟。（唐）

皇帝加元服。先遣官告圓丘方丘宗廟。擇日加

元服。冠訖。謁見太后。次日謁太廟。見廟之明

日。皇帝會羣臣。羣臣上禮。（宋）政和御製冠禮。自

皇太子以下。而無天子加元服之儀。（元）因本俗

禮廢不行。今擬



皇帝加元服。既筮日。遣官奏告天地宗廟。次擇

日加袞冕於

奉天殿。冠訖。謁太后。次日親謁宗廟。明日百

僚稱賀。

皇帝會羣臣今歷考前代儀文以著于篇

筮日

古者冠必筮日。**漢**初用正月甲子丙子為吉。後天子冠則筮日於廟。**唐**制天子加元服十日於太廟南門之外。今擬

國朝

皇帝加元服前期命太史監擇日奏聞。

奏告

晉穆帝將冠先以幣告廟而后行禮。**北齊**天子

加元服先以玉帛告圓丘方澤。及以幣告宗廟。

隋皇帝加元服亦先告圓丘方澤宗廟。今擬

國朝

皇帝加元服前期遣官祭告天地宗廟行一獻禮其儀見祀天祭地及宗廟篇。

冠服

周禮雖有冕服之數而無天子冠文。**漢**順帝永建四年加元服用曹褒新禮初加緇布進賢次加爵弁武弁次加通天冠。**東晉**諸帝冠儀用冕

幘（漢）皇帝加元服。先著空頂幘。次介幘。絳紗袍以出。次加衮冕（唐）皇帝加元服。初著空頂黑介幘。雙童髻。雙玉導。絳紗袍以出。次加衮冕服。今擬

國朝

皇帝加元服。先服空頂幘。絳紗袍以出。次加衮冕服。其制見冠服篇。

加數

（周）禮。公冠篇曰。公四加。天子亦四加。五禮精義

曰。天子五加衮冕（漢）天子四加。至（魏）以天子至尊。禮無踰理。惟一加衮冕（唐）開元禮因之。天子加元服亦一加。不著皇帝加元服之儀。今擬

國朝

皇帝加元服。一加用衮冕與唐同

就廟

古者冠必於廟。五禮精義曰。天子冠於始祖之廟。（漢）和帝以正月甲子至廟行冠禮。（魏）天子加元服。則一加於正殿。自魏以後。加元服皆不就

廟擇日謁廟而已。**唐**天子加元服則於太極殿成禮。今擬

國朝

皇帝加元服於奉天殿行禮。

陳設

唐上舍奉御設御冠席於太極殿。守宮設羣臣次於朝堂。大樂令設宮縣於殿庭。鼓吹令設十二案於建鼓之外。乘黃令陳車輅。尚輦奉御陳

輿輦。典儀設版位。奉禮郎設盥洗於阼階。尚舍奉御設席於東房。殿中監陳袞冕服於東房內。席上尚食奉御設醴饌。諸衛勒所部陳設黃麾仗如常儀。今擬

國朝

陳設詳見儀注

執事

唐諸帝將冠。御府令掌奉冕幘。太保掌加幘。太師掌加冕。太尉掌讀祝。侍中掌繫玄統。常侍掌脫帝絳紗服。加袞服。**唐**皇帝加元服則尚舍奉

御掌設冠席。守宮掌設次。大樂令掌設樂。鼓吹令掌設十二案樂。典儀掌設百官版位。奉禮掌設門外位。侍中掌奏中嚴外辦。奉禮郎掌設壘洗。殿中監掌陳冕服。尚食奉御掌設醴位。太常博士太常卿掌導駕。通事舍人掌引太師太尉。太常掌受冕。大尉掌加帝冕服。太師掌祝辭。殿中監掌徹櫛纒箱。侍中掌進悅巾。今擬

國朝

皇帝加元服執事。詳見儀注。

賓贊

漢獻帝加冠。以司徒淳于加為賓。**東晉**諸帝冠皆以侍中常侍太尉加幘。太保加冕。**唐**天子加元服。則以太尉設纒。太師受冕。今擬

國朝

天子加元服。設太尉設纒。太師受冕。如唐儀。

用樂

古者君冠必以金石之樂節之。**禮**和帝加元服。撞太簇之鍾。**東晉**天子冠。設金石之樂。**唐**天子

加元服。將出撞黃鐘之宮。奏太和之樂。太師入門。奏舒和之樂。皇帝受觶。奏休和之樂。禮畢。撞蕤賓之鐘。太和之樂。今擬

國朝

皇帝加元服。和聲即奏樂。詳見樂書。

醴醕

唐皇帝將加元服。尚舍設莞筵。尚食設醴及饌於東序。皇帝加冕服訖。太師進醴於御座前。祝曰。其醴唯厚。嘉薦令芳。承天之休。壽考不忘。祝

訖。以饌進。皇帝訖。大師取肺以進。皇帝祭肺及祭醴。啐醴訖。奠於薦東。今擬

國朝

皇帝加元服。行醴醕禮。詳見儀注。

祝辭

周成王冠。祝雍作頌曰。令月吉日。王始加元服。去王幼志。思弘衮職。欽若昊天。六合是式。率爾祖考。永永無極。**漢**昭加元服。辭曰。陛下摘著先帝之光輝。以承皇天之嘉祐。欽奉仲春之吉辰。

晉率大道之郊域。秉率萬福之丕靈。始加昭明之元服。推遠冲孺之幼志。蘊積文武之就德。肅勤高祖之清廟。六合之內。靡不蒙福。承天無極。
唐大師祝曰。令月吉日。始加元服。壽考維祺。以介景福。今擬

國朝

祝辭。或用古辭。或臨時修撰。

見太后

唐皇帝加元服訖。服通天冠。絳紗袍。詣太后所御殿。如常朝見之儀。尚宮引就殿前北面再拜。

訖。尚宮引出還

宮。今擬

國朝

皇帝加元服訖。改服通天冠。絳紗袍。入宮拜謁太后。如正旦儀。

謁廟

周成王冠而朝于祖。**後漢**天子冠訖。皆於高祖廟行謁見禮。**魏**天子加元服訖。別卜日謁廟。**唐**因歷代之制。冠訖。有司卜日躬謁太廟。今擬

國朝

皇帝既加元服。擇日謁太廟。其儀與時祭同。

會羣臣

周制。成王冠。而後見諸臣。漢和帝加元服。訖還

宮。朝服以享宴。魏天子冠訖。出會羣臣。唐開元

禮。天子冠而謁廟之明日。會羣臣。如元會之儀

今擬

國朝

皇帝加元服。見廟之明日。百官具朝服稱賀畢。

錫宴于

謹身殿。並如正至朝會儀。

天子加元服儀注

前期。太史院奉制筮日。工部製冕服。翰林院撰

祝文。祝辭。禮部備儀注。中書省承制命某官攝

太師。某官攝太尉。既筮日。遣某官奏告天地宗

廟訖。告示文武百官於皇城守宿。至日侵晨。具

朝服行禮。前一日。內使監令陳

御冠席于

奉天殿正中。設冕服案於

御冠席之南。香案又於

冕服案南。尚寶卿設寶案于香案之南。侍儀司設太師太尉起居位於文樓之南。西向。設文官起居位於太師太尉起居位之後。設武官起居位於武樓之南。設太師太尉拜位於

丹墀內道稍西。北向東上。設太師太尉侍立位於殿上。

御席之西。東向。設盥洗位於

丹陛西階之下。東向。內贊二人位於

殿上南楹之左右。東西相向。設文官拜位於

丹墀內道之東。每等異位重行。北面西上。設武官拜位於

丹墀內道之西。每等異位重行。北面東上。設使客位於文官拜位之東。北面西上。殿前班諸執事起居位於武官起居位之北。東向。設侍從班諸執事起居位於文官起居位之北。西向。設宿衛鎮撫二人位於東西陛下。東西相向。護衛百

戶二十四人位于宿衛鎮撫之南。稍後東西相向。典牧所官二人位于乘馬之前。東西相向。知班二人位于文武官拜位之北。東西相向。通贊典禮二人位于知班之北。東西相向。通贊贊禮在東。引太師太尉一人位于大師之北。西立東向。引文武班四人位于文武官拜位之北。稍後東西相向。引殿前班二人位于引武班之南。引使者二人位于引文班之南。設殿前班指揮司官三員侍立位于

丹陛上之西。東向。光祿官三員位于丹陛上之東。西向。拱衛司官位于殿門之左右。東西相向。文官侍從班起居注給事中殿中侍御史尚寶卿位于殿上之東。西向。武官侍從班懸刁指揮位于殿上之西。東向。護衛千戶八人位于殿東西門之左右。東西相向。典儀二人位于

丹陛上之南。東西相向。鳴鞭四人位于丹陛上。北向。將軍二人位于殿上簾前之左右。將

軍六人位于殿門之左右。將軍四人位于丹陛上之四隅。將軍六人位於

奉天門之左右。東西相向。是日侵晨。金吾衛陳設甲士於

午門外之東西。陳五輅於

丹墀之南。北向。典牧所陳仗馬於文武樓之南。東西相向。陳虎豹於

奉天門外。東西相向。協律郎陳樂於

丹墀文武官之南。擊鼓初嚴。催班舍人催文武

百官具朝服。擊鼓次嚴。引班引文武官各依品從齊班于

午門外。以北為上。東西相向。通班贊禮。知班典儀。內贊宿衛鎮撫。鳴鞭。殿內將軍。殿外將軍俱入就位。引班引殿前班指揮光祿卿各依品從序立於起居位。東西相向。諸侍衛官俱具服其器服。及尚寶卿侍從官入詣

謹身殿候迎。擊鼓三嚴。引班引文武官以序入。就起居位。引使客立於文班之後。侍儀版奏外

大明集禮 卷二十三 十二
辦御用監令奏請

皇帝服空頂幘。雙童髻。雙玉導。絳紗袍。御輿以出。侍衛導從警蹕如常儀。

皇帝將出。仗動。和聲郎作樂。太常博士引太常導至。

奉天殿。即御位。樂止。捲簾。鳴鞭。鷄唱。報時訖。拱衛司官由殿西門出。降西階。引班引入起居位。通班唱各恭事。殿前班侍從班及諸執事各就本位。引禮引太師太尉先入就拜位。引班引文

武官俱入就

丹墀拜位。知班唱班齊。典儀唱拜。贊禮唱鞠躬。樂作。拜興。拜興。拜興。拜興。平身。太師太尉及文武官皆鞠躬拜興。拜興。拜興。平身。樂止。引禮引太師先詣盥洗位。西向立。引禮唱搯笏盥手。太師搯笏盥手。引禮唱悅手。司中以巾進。太師悅手訖。引禮唱出笏。太師出笏。引禮引太師由西陛升。引禮退就本位。太師至殿西門內。贊接引至。

御席西東向立。引禮復引太尉詣盥洗位西向立。引禮贊搯笏。盥手。太尉搯笏盥手。引禮贊悅手。司中者以巾進。太尉悅手。引禮贊出笏。太尉出笏。引禮引太尉由西陞升。引禮退復位。太尉至殿西門。內贊接引入立於太師之南。侍儀跪奏。請加元服。退復位。太尉進就皇帝席前少右。跪搯笏。脫空頂幘以授內使。內使跪受幘。興置於櫛箱。櫛畢。設纁。出笏。興退立於西。太師進至。

御前北向立。內使監令就案取冕立於太師之左。太師祝曰。令月吉日。始加元服。壽考維祺。以介景福。內使監令奉冕跪授太師。太師搯笏跪受冕。加冠。加簪纓訖。出笏。興退立於西。內使監令撤櫛纁箱。御用監令跪奏。請

皇帝著衮服。

皇帝興著衮服。訖。侍儀跪奏。請就御坐。內贊贊進醴。樂作。太師進就

御座前北面立。光祿卿奉酒進授太師。太師搯

笏受酒至

御前北面祝曰。其醴惟厚。嘉薦令芳。承天之休。壽考不忘。祝訖。跪授內使。內使跪受酒。捧進皇帝。

皇帝受酒。祭少許。啐酒。訖。以虛盞授內使。樂止。內使受盞。降授太師。太師受盞。興。以授光祿卿。光祿卿受盞。退。太師出笏。退復位。內贊引太師。太尉出殿西門。樂作。降自西階。引禮接引。就丹墀拜位。立定。樂止。引禮退復位。典儀唱拜。贊

禮唱鞠躬。拜興。拜興。拜興。拜興。平身。太師太尉及文武官皆鞠躬。樂作。拜興。拜興。拜興。平身。樂止。贊禮唱搢笏。鞠躬。三舞蹈。跪三拱手。呼。山呼。再山呼。太師太尉文武百官皆鞠躬。拜興。拜興。拜興。拜興。平身。再山呼。出笏。就拜興。平身。典儀唱鞠躬。樂作。贊禮唱拜興。拜興。拜興。拜興。平身。樂止。典儀唱禮畢。侍儀奏禮畢。

皇帝興。樂作警蹕。侍從導引入宮。樂止。引禮引太師太尉及文武百官以次出。

皇帝見

太后

其儀見朝會篇。

謁廟

其儀見宗廟篇。

會羣臣

其儀見朝會篇。

天子加元服圖

天子加元服圖

班班

典儀

樂

樂

天子加元服圖

集禮卷三十三十六

班班

引禮

典儀

大明集禮卷二十三下

嘉禮

皇太子加元服


總序

孔子曰。世子冠於阼。以著代也。醮於客位。加有成也。二加彌尊。喻其志也。冠而字之。敬其名也。雖天子之元子。猶士也。其禮無變。天下無生而貴者。故也。唐開元禮。皇太子冠。臨軒以命賓贊。黃門侍郎執節授賓。賓拜受節。中書侍郎取制。



皇

御



內使

太師

太尉

內贊



洗盥

書授賓。賓拜受制。詣東宮。宗正卿入見皇太子。而後迎賓。賓詣殿稱制行禮。**宋**皇太子冠。天子御文德殿。賓贊承制。太子即席。三加禮畢。醴而字之。左輔復宣勅以戒。此不命有司。天子自為主。而制命賓贊行事也。今擬

國朝

皇太子加元服。參用**周**文王成王冠禮之年。近則十二。遠則十五。天子自為主。設

御座於殿庭。設冠席於殿之東壁。擇三公太常為賓贊。三加冠。一祝醴。祝辭醮辭。字辭悉效周制。爰舉歷代之制。悉著于篇。

筮日

儀禮。筮日於太廟。**漢**宣帝冠太子。擇正月甲子丙子行事。**唐**太子加元服。卜日於太廟南門外。太常卿太卜令等官各具公服。布筮席。開櫝出策而筮。**宋**皇太子將冠。前期大史筮日。今擬

國朝

大明集禮 卷三十三
皇太子加无服。命太史監筮日

奏告

古者太子冠必先告廟。禮記皇太子加元服則太尉以制幣告七廟。禮記皇太子將冠其日質明有司告廟。禮記皇太子將冠先告太廟如常告之儀。今擬

國朝

皇太子加元服。遣官具特牲告廟。行一獻禮。其儀見宗廟篇

冠服

北齊皇太子加冠。服空頂幘。公服。加進賢三梁冠。再加遠游冠。隋皇太子加元服。皇帝衮冕有御坐。皇太子服空頂幘。遠游冠。加緇布冠。再加遠游冠。三加衮冕。唐皇太子加元服。初服空頂黑介幘。雙童髻。玉導寶飾。綵衣。加緇布冠。再加遠游冠。三加衮冕。宋皇太子冠。初加折上巾。再加遠游冠。十八梁。三加衮冕。今擬

國朝

皇太子加元服。一加折上巾。再加遠游冠。三加衮冕。其制見冠服篇。

加數

家語。天子之元子冠。擬諸侯之冠。四加。魏太子冠。再加。宋冠。皇太子以一加。北齊皇太子冠。再加。隋復用三加之禮。唐宋因隋制。皇太子冠。皆三加。今擬

國朝

皇太子冠。用三加之禮。詳見儀注。

賓贊

儀禮。冠必有賓。晉惠帝為太子。將冠。命司徒高陽王珪為賓。屯騎校尉華廙為贊。冠。唐皇太子加冠。命司徒為賓。宋皇太子冠。以禮部尚書為掌冠。鴻臚卿為贊。冠。今擬

國朝

皇太子加元服。命三公一人為賓。掌冠。太常卿為贊。冠。

陳設

皇太子冠前一日尚舍奉御設御幄於太極殿衛尉設羣官及朝集使次於左右朝堂大樂令設宮懸於殿庭鼓吹令設十二案乘黃令陳卓輅尚輦奉御陳輦輦衛尉設賓贊次奉禮設文武羣官及宮臣位典儀設皇太子受制位有司設皇太子羽儀車輿於殿上東壁下三師三少席於冠席之左右設賓席於西階內直郎陳膠於帷內良醞令太官令奉醴饌諸衛勅所部陳設麾仗

宋

政和四年皇長子冠設御坐於文

德殿殿上前楹施簾設香案於殿下大晟展宮架之樂於殿庭街南設掌冠贊冠應行禮官東宮官次於朝堂之內陳大輦於殿西階下列御馬於殿門外列黃麾細仗於殿庭設皇太子朝見位設掌冠贊冠受制位設左輔承制宣制位設皇太子冠席褥位陳服于席南設盥洗於阼階東設醴席于西階上實側尊于席南饌設于席今擬

國朝

陳設詳見儀注

執事

司徒加冠。光祿大夫校尉贊冠。唐司徒為賓卿為贊。典謁掌引羣官。通事舍人掌引宗正卿賓贊三師三少。左庶子掌版奏中嚴外辦洗馬掌迎導。少傅掌受制書。贊冠者掌脫幘擲纒。今擬

國朝

皇太子加元服。諸執事者詳見儀注。

樂

唐皇太子冠。皇帝出。大樂令撞黃鐘之鐘。入撞蕤賓之鐘。協律郎俱奏太和之樂。皇太子冠。自始至終。樂作凡五。宋皇太子冠。皇帝出。仗至降殿。大樂正令撞黃鐘之鐘。及蕤賓之鐘。協律郎奏乾安肅安等樂。皇太子就冠席。及加冠。奏欽安順安等樂。今擬

國朝

皇太子加元服。和聲郎奏樂。詳見樂書。

醴醕

儀禮。加冠畢。乃筵于戶西而受醴。若不醴。則醮用酒。唐皇太子冠。訖。贊冠者洗解。典膳郎酌醴。贊冠者受醴。以授賓。賓進于皇太子。祝訖。皇太子受解。祭醴。啐醴畢。奠解於薦。宋皇太子冠。訖。即醴席。贊冠者取爵。內侍以酒注爵。掌冠者跪進皇太子祝畢。太子受爵。啐酒如唐儀。今擬

國朝

皇太子加元服。訖。行醴醮禮。詳見儀注。

祝辭

加冠而祝之。周制也。晉南郡王昭業冠。祝辭曰。筮日戒賓。肇加元服。棄而幼志。從厥成德。親賢使能。克崇景福。唐皇太子加元服。祝辭曰。今月吉日。始加元服。棄厥幼志。順其成德。壽考惟祺。以介景福。再加曰。吉月令辰。乃申嘉服。克敬威儀。式昭厥德。眉壽萬年。永受祺福。三加曰。以歲之正。以月之令。咸加爾服。以成厥德。萬壽無疆。承天之慶。宋祝辭曰。咨爾元子。肇冠于阼。筮日擇賓。德成禮具。於萬斯年。承天之祐。再加祝曰。

爰即令辰。申加元服。崇學以齒。三善皆得。副余一人。受天百福。三加辭曰。三加彌尊。國本以正。無疆惟休。有室大競。懋昭厥德。保茲永命。今擬

國朝

祝辭。或用古辭。或臨時撰述。

醮辭

禮。醮而祝之。以成德也。**晉**武帝命太常武安侯蕭惠本加南郡王冠。醮酒辭曰。旨酒既清。嘉肴既盈。兄弟具在。泝慎儀形。永永眉壽。於穆斯寧。**唐**冠皇太子祝醴辭曰。甘醴惟厚。嘉薦令芳。拜

受祭之。以受厥祥。承天之休。壽考不忘。**宋**祝辭曰。旨酒嘉薦。有飶其香。拜受祭之。以定爾祥。令德壽考。日進無疆。今擬

國朝

醮辭

皇太子祝辭。或用古辭。或臨時撰述

字辭

儀禮。冠者立於西階東。南面。賓字之。**唐**太子冠醮訖。降自西階。至於西階之東。立定。賓少進字之。曰。禮儀既備。令月吉日。昭告厥宇。君子攸宜。

宜之于噉。永受保之。**宋**皇太子冠訖。醴醕醴醕。訖。易朝服。立御殿前。丹墀拜位。賓贊詣皇太子位前稍東。西向。賓少進。字之。曰。始生為名。為實之賓。既冠而字。以益厥身。永受保之。承天之慶。奉勅字某。今擬。

國朝

皇太子字辭。臨時撰述。

會賓贊

儀禮。冠畢。醴賓以一獻之禮。酬賓以束帛儼皮。

唐制。冠訖。賓贊及宗正出。就會所行酒。設會訖。執事者奉束帛之篋。授宗正卿。宗正卿以授賓。又執事者奉束帛進。授贊冠者。賓贊降出門外。俱揖而退。今擬。

國朝

皇太子冠訖。會賓贊。詳見儀注。

朝謁

禮。冠訖見母。**隋**皇太子冠訖。皇帝出更衣。還宮。皇太子從至闕。因入見皇后。再拜而退。**唐**皇太

子冠訖。詣皇帝所御殿北向立。再拜。侍中宣勅戒曰。事親以孝。接下以仁。使人以義。養人以惠。訖。皇太子再拜。少進。稱臣雖不敏。敢不祇奉。又再拜。拜訖。詣皇后所御殿再拜。尚儀稱令旨。皇太子再拜。宣令戒之辭如前。太子進稱曰。臣夙夜祇奉。不敢失墜。又再拜退。宋皇太子冠訖。左輔宣勅戒曰。事親以孝。接下以仁。遠佞近義。祿賢使能。古訓是式。大猷是經。暨訖。皇太子俛伏跪。奏稱臣雖不敏。敢不祇奉。奏訖。禮畢。皇太子

入內朝見皇后如宮中之儀。今擬



皇太子於

奉天殿

御前冠訖朝謁

皇后。其禮詳見儀注。

謁廟

晉惠帝以正月丙午冠太子訖。乃廟見。唐冠皇太子禮成。別日

齋宿設儀衛謁廟。宋皇太子冠禮畢。擇日謁太廟別廟。今擬

國朝

皇太子加元服訖。擇日謁廟。

羣臣稱賀

齊南郡王冠。其日百官詣公車門集賀。并詣東

宮南門通牋。唐皇太子冠訖。文武百官班位於

東朝堂稱賀。賀錄上禮。宋皇太子冠訖。羣臣朝

賀上禮。今擬

國朝

皇太子冠訖。百官具朝服詣

奉天殿稱賀。禮畢。易公服詣

東宮稱賀。

會羣臣

唐皇太子冠。見廟之明日。皇帝會羣臣。如元會

之儀。羣臣上壽。今擬

國朝

皇太子冠訖。見廟之明日。百官稱賀訖。錫宴。其

儀見朝會篇。

會宮臣

出齊皇太子冠訖。擇日會宮臣。**唐**開元禮。皇太子冠。見廟之明日會宮臣。如常會之儀。宮臣上壽。今擬

國朝

皇太子冠訖。宮臣詣

東宮稱賀畢。錫宴。其禮見朝會篇。

宮臣朝賀

齊武帝孫南郡王昭業冠。宮臣亦詣門稱慶。如上臺之儀。**唐**皇太子冠訖。詹事以下官集東宮南門之左稱賀。上禮。今擬

國朝

皇太子冠訖。宮臣稱賀如常儀。詳見朝會篇。

皇太子加元服儀注

前期太史監承

制筮日。工部製袞冕。遠游冠。折上巾服。翰林院撰祝文。祝辭。禮部備儀注。中書省承

制命某官為賓。某官為贊。既筮日。遣官奏告。

天地宗廟。禮部告示文武百官於

皇城守宿。至日侵晨。具朝服行禮。前一日。內使

監令陳

御座香案于

奉天殿中。侍儀設

皇太子次于

奉天殿之東房。設賓贊次于

午門外。設

皇太子拜位于

丹陛上正中。又設賓贊受

制位於

皇太子位之稍西北。東向。設承

制官位於

御座之東。西向。又設承

制官宣

制位於

皇太子位之東北。西向。設賓贊拜位於內道之

東。北面西上。設文官拜位於

丹墀內道之東。每等異位重行。北面西上。設武官拜位於

丹墀內道之西。每等異位重行。北面東上。設使客位於文官拜位之東。北面西上。設殿前班諸執事起居位於武官起居位之北。東向。設侍從班諸執事起居位於文官起居位之北。西向。設宿衛鎮撫二人位於東西陛下。東西相向。護衛百戶二十四人位於宿衛鎮撫之南。稍後。東西

相向。典牧所官二人位於乘馬之前。東西相向。知班二人位於文武官拜位之北。東西相向。通贊典禮二人位於知班之北。東西相向。通贊在西。贊禮在東。引太師太尉二人位於太師之北。西立東向。引文武班四人位於文武官拜位之北。稍後。東西相向。引殿前班二人位於引武班之南。引使者二人位於引文班之南。設殿前班指揮司官三負侍立位於

丹陛上之西。東向。光祿寺官三負位於

丹陛上之東。西向。拱衛司官位於殿門之左右。東西相向。文官侍從班起居注給事中。殿中侍御史尚寶卿位於殿上之東。西向。武官侍從班懸刀指揮位於殿上之西。東向。護衛千戶八人位於殿東西門之左右。東西相向。典儀二人位於

丹陛上之南。東西相向。鳴鞭四人位列於

丹陛上。北向。將軍二人於

殿上簾前之左右。行軍六人位於殿門之左右。

將軍四人位於

丹陛上之西隅。將軍六人位於

奉天門之左右。東西相向。是日侵晨。金吾衛陳設甲士於

午門外之東西。擊鼓於門外之中道。列旗仗於奉天門外之東西。陳五輅於

丹墀之南。北向。典牧所陳仗馬於文武樓之南。東西相向。陳虎豹於

奉天門外。東西相向。協律郎陳樂於

丹墀文武官拜位之南。執事官設罍洗於東階東南。罍在洗東。篚在洗西。內使監設

皇太子冠席於殿上東南。西向設醴席於西階上。南向張帷幄於東序內。設褥席於帷中。又張帷於序外。御用監陳服於帷內。東領北上。衮服九章。遠游冠。絳紗袍。折上巾。絳紗袍。緇纁。犀簪二物同箱。在服南。櫛實於箱。又在南。司尊實醴於側尊。加勺。幕設於醴席之南。設坫於尊東。置二爵於坫。進饌者實饌。設於尊北。諸執事者皆

立於其所。冕九旒。遠游冠十八梁。折上巾。冠冕各一箱。盛執事官各執立於階之西。東面北上。擊鼓初嚴。催班舍人各催文武官具朝服。擊鼓次嚴。引班引文武官依品從齊班於

午門外。以北為上。東西相向。通班贊禮知班典儀。內贊宿衛鎮撫護衛。鳴鞭殿內外將軍俱入就位。引禮引賓贊入立於

奉天門外道。東西相向。東宮官以下導從。皇太子至殿門外。贊禮同太常博士引

皇太子詣

奉天殿東房訖。引班引殿前班指揮光祿卿詣侍衛官各服其器服。及尚寶卿侍從官入詣。謹身殿奉迎。擊鼓三嚴。引班引文武官以序入。就起居位。侍儀版奏外辦御用監奏請。皇帝服通天冠絳紗袍。御輿以出。侍衛導從警蹕如常儀。

皇帝將出。仗動。陛

御座。將軍捲簾。鳴鞭司晨鷄唱訖。引禮引賓贊入就位。立定。贊禮唱鞠躬。樂作。拜興。拜興。拜興。拜興。平身。賓贊及文武百官皆鞠躬。拜興。拜興。拜興。拜興。平身。樂止。侍儀詣

御座前承

制。降自東階。詣賓前稍東西向。稱有勅。贊禮唱跪。承傳通唱。在位官皆跪。侍儀宣

制曰。

皇太子冠命卿等行禮。宣

制訖。贊禮唱俯伏興。拜興。拜興。拜興。拜興。平身。

文武侍從班起居注給事中殿中侍御史尚寶
御降殿立於殿上之東西向武官侍從班懸刀
指揮降殿立於殿上之西東向引禮引賓贊及
應行禮官詣東階下位立定東宮官入詣

皇太子東房次太常博士亦詣東房引

皇太子入就冠席內侍二人夾侍東宮官後從
皇太子初行樂作即席西南向樂止引禮引賓
贊以次詣盥洗樂作搢笏盥手悅手訖出笏樂
止升自西階執折上巾者升賓降一等受之右

執項左執前進

皇太子席前北面祝畢乃跪冠樂作賓興席南
北面立贊冠者進席前北面跪正冠興立於賓
之後內侍跪進服服訖樂止賓揖

皇太子復坐引禮引賓贊降詣盥洗如上儀贊
冠者進席前北向跪脫折上巾置于箱興授內
侍內侍跪置于席執遠游冠者升賓降二等受
之右執項左執前進

皇太子席前北向立祝畢乃跪冠樂作賓興席

南北面立。贊冠者進席前北面跪。簪結紘。興立於賓後。

皇太子興。內侍跪進服。服訖。樂止。賓揖。

皇太子復坐。引禮引賓贊降。詣盥洗如上儀。贊冠進席前北向跪。脫遠游冠。置于箱。興授內侍。內侍受置于席。執袞冕者升。賓降三等受之。右執項。左執前進。

皇太子席前北向立。祝畢。乃跪冠。樂作。賓興席南北面立。贊冠者進席前北面跪。簪結紘。興立於賓後。

皇太子興。內侍跪進服。服訖。樂止。太常博士引

皇太子降自東階。樂作。由西階升。即禮席南向

坐。樂止。引禮引賓詣盥洗。樂作。搢笏盥手。悅手

訖。出笏。升西階。樂止。贊冠者取爵盥爵。悅爵。詣

司尊所酌醴。授賓。賓受爵跪進于

皇太子席前。北向祝畢。

皇太子搢圭。跪受爵。樂作。飲訖。奠爵。執圭。進饌

者奉饌設於

皇太子席前。

皇太子搢圭。食訖。執圭。興。執事官徹爵與饌。太常博士引。

皇太子降自西階。詣殿門東房。易朝服。訖。詣丹墀。拜位。北向。東宮官屬各復拜位。

皇太子初行。樂作。至位。樂止。引禮引賓贊詣

皇太子位。稍東。西向。賓少進。字之。辭畢。奉勅字某。太常博士啓。

皇太子再拜。興。儀唱鞠躬。拜。興。拜。興。跪。聽宣勅

畢。就拜。興。拜。興。平身。太常博士引。

皇太子進。

御座前。俛伏。跪。奏稱臣不敏。敢不祗奉。奏畢。復位。侍立。官並降殿。復拜位。興。儀唱鞠躬。拜。興。拜。興。拜。興。承傳唱在位。官以下皆拜。鞠躬。拜。興。拜。興。拜。興。拜。興。平身。侍儀奏禮畢。贊禮承傳唱禮畢。

皇帝興。樂作。警蹕。侍從導引如來儀。至。謹身殿。樂止。內給事導。

皇太子入內朝見
皇后如朝正之儀。引禮引賓贊。引班引東宮官
及文武百官以次出。

明日謁廟

其日。陪祭官先赴廟庭東西位北向立。

皇太子服袞冕執圭。太常博士導

皇太子由南門入就廟庭前褥位北向立。太常

博士啓

皇太子再拜。典儀唱鞠躬拜興。拜興。平身。承傳

唱陪位官皆拜鞠躬拜興。拜興。太常博士啓請

皇太子升殿東階詣神位香案前褥位北向立。

太常啓

皇太子上香。上香。三上香。訖復位。又啓

皇太子鞠躬拜興。拜興。平身。贊禮承傳陪位官

皆拜鞠躬拜興。拜興。平身。典儀啓禮畢。承傳唱

禮畢。儀仗導

皇太子還宮。如來儀。

星木于代銀東胡結林野香案法商器均其有也

留詞外官皆其歸以作其與與夫不於與全後皆

